

经文01

世尊何故以寂静者威仪而坐也？
显示唯寂静者于法能觉能说故。

〔七句义〕（一）种性不断

经言「善摄第一菩萨摩訶萨」者

诸菩萨有七种大

- 〔一〕法大
- 〔二〕心大
- 〔三〕信解大
- 〔四〕净心大
- 〔五〕资粮大
- 〔六〕时大
- 〔七〕果报大

如菩萨地持中说

利乐相应为善摄

于诸菩萨所，
何者善摄？何者第一也？

第一有六种应知

- 〔一〕时 何者时？
现见法及未来故。彼菩萨善摄中，乐者是现见法，利者是未来世。
- 〔二〕差别 何者差别？
于世间三摩钵帝，及出世圣者声闻独觉等，善摄中差别故。
- 〔三〕高大 何者高大？
此善摄无有上故。
- 〔四〕牢固 何者牢固？
谓毕竟故。
- 〔五〕普遍 何者普遍？
自然于自他身善摄。
- 〔六〕异相 何者异相？
于未净菩萨善摄中胜上故。

经言「第一付嘱」者

何者第一付嘱？

有六种因缘

- 〔一〕入处 何者入处？
于善友所善付嘱故。
- 〔二〕法尔得 何者法尔？
彼已得善摄菩萨于他所法尔善摄。
- 〔三〕转教 何者转教？
汝等于余菩萨应当善摄是名转教。
- 〔四〕不失
- 〔五〕悲
- 〔六〕尊重